

中國近代文學叢書

上海古籍出版社

范伯子詩文集

修訂本

下

范當世 著

馬亞中 校點
陳國安

中國近代文學叢書

上海古籍出版社

范伯子詩文集

修訂本

下

范當世 著

馬亞中 校點
陳國安

范伯子詩集卷第十七

(光緒二十七年辛丑六月至二十八年壬寅六月作)

夢湘來主紫琅書院余亦從淮上歸主東漸夢湘顧爲我州主校州試不
即見見其和潛之詩海南別後苦語填膺聊以句先兼呈我州主

許公席上三年別，地塌天旋有再遭。爾我饑寒真細事，後先倉猝爲劬勞。何期兀者來
分魯，得見髯翁再和陶。愁緒滿膺言話隔，猶聞辛苦佐牛刀。

潛之以其夫婦生日各占東坡生死之一日戲爲詩贈答而余和之

東坡是何物？復至我與爾。彼無使形具，而能戀狔子。不知文字障，化理不如是。無
問男若女，勞此不得死。欲人大涅槃，遂除一切語。

余以先君人祀忠孝祠兼有鄉俗賀兒子補廩之事夢湘次韻東坡監試

詩見示未遑即答明日潛之復倒押此韻相示余即依倒韻賦呈

都門寇踪稀，諸公漸高枕。惟獨迂儒生，言語尚寒噤。鬱此無告懷，肺肝受鏤銛。王粲屬來遊，長愁貌益寢。我遊先君出，往依淮揚沈。羣帥頗相招，娛嬉設精飪。迴鑾有詔書，豪呼並來諗。艱難豆粥餘，茲弗裁量朕。報告紛馳傳，供備復交衽。於時四月中，田間熟桑甚。堤平縱馬驕，池芳看魚滲。天地清且夷，焉從得冬凜。我之歷世途，往復徒蹕蹕。呈材知散木，入口是沙磣。何期文翁化，猶認相如錦。遜讓到鄉校，放廢毋乃甚。平心自揣量，獨此較猶審。一尺密治蔴，三尺疏種荏。曩年冀馬羣，頗復爲題品。惜此風雲交，滂沱餘墨瀋。迨今遭二子，但益無何飲。慚愧葛天民，貽憂近再稔。仰修先子祀，祇以守天稟。俯笑羊酒來，吾兒食餼廩。

潛之見余倒韻詩復順和見示而盛以文學教授之事相推以百忙中再

依韻奉答並呈夢湘

吾遊最易足，所至竊庖廩。熱邊輒心死，窮薄吾所稟。所以逃舉場，乃今十五稔。故技終莫捐，教授若醇飲。何圖潑殘膏，而令拾遺瀋。父老數謂我，後生得題品。權故不我屬，年光付苒荏。哀今路歧多，老馬亦莫審。物窮定須通，適變亦無甚。我有一寸光，比之若明錦。若波澄去泥，如沙淨去礫。持以照夜行，或許免蹉跎。大風揚塵來，不敵又凜凜。鳳去聞鴉音，龍亡見魚沔。作者西迎鑾，郡縣致乾菴。旭日再中天，百方定歛衽。仍憂帝倦勤，真人不稱朕。玄黃一以雜，黑白定誰諗。我今亦何爲，以鬲烹常飪。勤勤二子意，文高若任沈。不鄙數推余，愛而忘其寢。詩經再三切，意亦人雕鋟。一鳴無不鳴，氣翕莫能噤。對客只思哦，退息夜吟枕。

送詩復題其後

昨夜詩狂對妻子，朝營客具又愁眉。祇應急足催君和，更作今宵勞苦資。

李月湖投贈所刻詩屬爲題詞次其所列初稿題詞馬絜甫二首韻其所酬唱多二十年前故人而死亡無一存者亦實愴然以悲不獨傷里中之文敝也

里巷年年只換羣，誰曾中酒至微醺。狂驅失勢空遺我，寂坐成詩尚有君。積水一輪秋後月，因風百變海東雲。仍餘故友傷離曲，展卷哀聲不忍聞。

作者萬千詩萬萬，真如峻坂走空車。老成不與諸公角，辛苦能存一卷書。谷口終當懷鄭子，成都謬欲長相如。衰時文格同青蔓，安得閒心爲掃除。

潛之三疊監試韻以答夢湘息戰之意余事益多詩思竭矣乃余弟見夢湘挽王伯唐哀哀龔生之言而爲之潛然出涕余因益述潛之先後摯語而危苦憂患之意猝盈於胸遂再成一首

自從秦李斯，慕鼠食倉廩。士趣日以卑，命在無誰稟。富貴少驚憂，不知禍已稔。所以顏原徒，祇能樂瓢飲。東鄰有原嘗，終不乞餘瀋。喪亂保殘軀，饑寒見真品。豈無貞松

姿，與俗化柔荑。竟作膏蘭焚，視天亦未審。龔生非吾徒，斯言不爲甚。古之真褐夫，永世斷文錦。伏而餐至精，萬物盡成殍。或蹶或以蜚，雲泥兩途蹊。一日不收身，世狀實危凜。曾無畜龍處，何由禁魚淦。鴟鴞不變音，虛煩致桑葢。離魂那可招？雲中屢舉袵。爲原爲楚懷，莫保幼清朕。今傳《招魂》爲宋玉招屈原，太史公以《招魂》爲屈原作，則招懷王也。亦有狂夫言，不意紛來諗。笑我陋巷貲，卻譬尹烹飪。蕭同是何人？君狂不胡沈。百年遭此時，拙分定寒寢。哀哉祇一遊，孱軀滿受鉏。魂夢未省咎，無言害有噤。此屬乘亂來，吾猶不安枕。

先君人忠孝祠州主汪劍星臨祭四疊監試韻呈謝兼和其疊韻感懷見

示詩

古之慕父者，有不避井廩。遷流雖萬變，生世豈異稟。我君少時事，我幼聞之稔。大者死生際，細若一食飲。至性釀甘和，百行盡餘瀋。及我君壯年，戚里咸題品。君聞則涕泣，言之內若桂。父老親見聞，論薦詎不審。君爲揜耳逃，悽惶亦已甚。人間富若貴，純若夜行錦。何者是真味？含咀異沙磣。居官類傳舍，頻煩見蹕蹠。誰持風教先，別白尚嚴凜。汪公牧我州，波清魚不淦。來泮祀我君，鴟音變林葢。民俗苟若斯，羣生登席袵。吾

皇亦有言，凡民職在朕。小夫犯光治，枉用密謀諗。屯膏竟不下，禍熟一炊餽。公能保茲方，高吟又傾沈。更喜喪亂餘，教孝事未寢。五季一行傳，且復入槩鋟。寵榮及子孫，感頌曷能噤。食德銜新恩，吾儕自高枕。

久雨病困束潛之

一雨十日屋被圍，萍合檻外波浸扉。盆中金魚受急溜，喑喋已若傷天機。我身非魚作魚伍，那弗頭涔腹又痒。四郊民困我不問，第一城間百事違。君居城南似高阜，多言樓壁傾崔巍。竭來君病復何若？竟輟吟事令人唏。王生今朝校藝罷，囊筆定以君爲歸。明當屬其弗視我，臨河不濟徒依依。已聞汪君率屬禱，倘用誠恪回天威。敬因改卜祀先子，看取晴日迎驂騑。

已矣歎

吾室不足容徜徉，獨恃階前五尺強。出門一步即路旁，送客迎人借作場。一雨十日城無隍，百河之水流滂滂。衝決戶牖推排牆，汹涌直造庭中央。磚苔砌草俱淪亡，飛魚躍入

生魚秧。蝦遊蛭走紛成行，癡蟆睨我情態狂。欲出無路來無航，彌望一片波洋洋。眠愁坐歎誰能當，有僕一家號樂康。遠挈兒女來就糧，爲言耕牛瘦欲尪。戶有死狗雞逃亡，行至中途屢仆僵。有友涉彼狼山岡，遂極百里東西望。但見兩道平湖光，昔之繞山田萬方。到今處處施船檣。噫嗟我聞僅如此，安得民情皆入耳。齷齪家居何足言，世亂民貧今已矣。

七月八日壽朱輯齋大令五十卽送其行

風風雨雨都過盡，一天爽氣及君辰。揚雄口渴來求醉，莫似門前閉衆賓。
盤盂小識爲君壽，百變河山又一秋。能及今朝談酒政，堆筵何惜萬千籌。
仍世高文歷九卿，承家子弟老儒生。憐君獨後人間巧，五十看看拙宦成。
邑有流亡山稅盡，嗟君此去又何如？逢人且喜無慚汗，來去空囊計未疏。

壽陳啓謙之母五十孫文節之女也

吾里孫卿命世才，文章忠孝劫餘灰。空遺伏勝傳經女，不見中朝問訊來。
天於巾幗忌才甚，福慧從來不使兼。一片天桃紅似錦，依然老境傍蠶鹽。

司馬東箱才未展，外孫楊惲早知名。人間福祿循環至，何怪當時叶鳳鳴。
我愛後生如拱璧，況其將母有餘思。升沈百感渾難盡，彤管聊因壽一辭。

題俞介甫竹石讀書圖余少時館於歐家坊所識也

城西一水舊漣漪，遊釣相從百事宜。二十四年人境換，誰呼同謁太初師。
結習憐君尚未除，緣林傍石意磋如。人間六籍灰飛盡，曷不旁求海外書。

題許鬢竹獨坐觀書圖

吾友張蒼者，鄉邦小試來。艱難誰得喻，鎮定亦須才。孰信蚩氓意，真如蠻俗哀。憑
君手中籍，重與闢蒿萊。季直創設通州棉紗公司，許其司籍之一。

感次叔節金陵見懷韻兼酬丹徒陶賓南依韻見寄之作

昨倚江天望白門，蔽虧雲樹萬千邨。恨無急漿臨風使，獨聽寒潮帶雨喧。問學焉能議
康濟，寒饑況與蕩心魂。人生快意惟朝夕，且爲知音樂自存。

答伯嚴用叔節韻見寄繫以辭曰時勢隔日而異觀心期極古而並喻來

章所慨決答如斯

天子從容返里門，西征甲卒散歸邨。駟虬逐日嗟何及？仗馬迎風更不喧。興復又添垂老淚，茫茫永有未招魂。商量去孔誠何說，只向深山萬古存。

徐溥泰成婚余以父道自居口占十五言戒勉其夫婦並令呈其外祖姚

雲卿先生

先君遺命有「徐滌庵之孫學賈，他日爲我報恩」兩言。即溥泰也，適會斯時，溥泰之父少庵產盡絕，余延之居吾家，一年而病歿。溥泰割肱血盈衫，余益痛愛之，疑其必可讀，遂親授之讀。輓少庵云：「暫與君以容膝之安，不逾歲，乃遽作古人，心許何曾酬百一；觀令子有割肱之美，繼自今，請代爲嚴父，學成安得更尋常。」此「父道」云云所由來也。權宜爲之授室，徐氏之存亡在此婦矣。故深勉之。

徐卿二子一子存，范叔引水培其根。實惟姚氏之外孫，就與袁氏論新婚。兒女燕樂吾

何言，欲將大義敦賢媛。雞鳴昧旦真弗諼，鳳蜚五世剛導源。若翁祖翁德深渾，但汝夫婦承家門。便許枝葉重紛繁，世間萬事覆以翻，只賴人定天難援。姚合老人今達尊，何日更把斯言論。

陳小石漕帥招同沈觀察及舍弟飲多聞京師兩年間事即席賦贈

謁帝南來感離索，來書謂「與余兄弟談，極慰離索也」。建牙先與腐儒歡。一樽沈范宜同傳，兩載安危有獨歎。莫怪中興餘涕淚，也曾元旦賦荒寒。吾鄉人王鐵珊兵部，以甲午除夕獨身沒京寓。公爲經紀其喪而哭之，曰：「平生風義師兼友，元旦荒寒我哭君。」老民無限謳思意，信友酬君一例看。

次韻答小石漕帥

萬樹雪霜皆老物，一枝梅萼向人開。能令歲序初驚眼，已覺皇天不負才。寒日慙慙風作暴，長淮蕩蕩水流哀。何當遍與陽和澤，更泛春江錦浪來。

二十年前余爲程悅甫校士泰州得袁銜卷極賞之故五年前來過陸筆城追懷昔遊而有一士升沈尚慟心之作蓋悅甫已死久矣今來訪羅敬之則筆城又已死三年而袁銜亦並以微官死於浙江出城見圓月感愴不可言寫以長句

人命輕微不可搏，浮生短短況當官。早知惡趣隨年盡，要比凡夫得境寬。城闕依然臨晚至，月華終古與人看。誰令袁氏千金子，也犯嚴霜試劍端。「千金之子，坐不垂堂。」袁盎之言也。

陳甥爲孝婦寫病菊以寄其思久之復爲嗟菊詩速余之題詠余泫然而
反慰之

白帝荒荒造秋色，無端幻此殿秋花。只緣騷雅能千古，收合愁人作一家。閱世已更新涕淚，隔年猶護舊根芽。浮生即景皆堪遣，莫把青春老歎嗟。

小石漕帥以人日有事淮城舟中見懷有題詩春到草堂寒之句且言於

澹園種芍藥遲余往觀余方籌議通州學堂事未得行也疊韻寄答

詩人達者如高適，誰謂窮愁必不歡。今昔並看人日至，清醒原有治朝歎。萬言無過一征邁，百變能更幾燠寒。且與乘春作春事，好花留共倦餘看。

題蔣運判西山待隱圖

往爲陳氏銘幽宮，累日坐卧西山中。億態千形不可道，雜擬萬物難爲工。以彼揚劉作者氣，冥合馬范宗臣容。遂作茲山萬年贊，突與天地無始終。成奇一番亦以笑，擲筆遂掛征帆東。平生故山未得返，魂夢更弗茲遊逢。何哉蔣君慕歸隱，辭意尚法心餘翁。茫然寫茲一片石，欲計歲月成高踪。世間名山盡拱默，百輩期待終成空。不幸吾身既墮落，竟合老死將塵封。君不見崑廬老人非隱者，身不得已茲焉從。政無雅俗官無小，各以其職爭瑰雄。肯與閑人作閑事，紫琅明日可携筇。

至泰興觀龍研仙大令所爲小學堂將歸而雨研仙固留飲且以中學堂之事相期賦贈二首

抑志百寮底，成功九牧先。虛懷妙迎變，逸氣自沈淵。忽覩如山廈，潛悲逝水年。茲方樹交蔭，應不著寒蟬。

急漿潮生夜，深杯雨晦晨。談謝成苦語，督促到閑人。必達誠難信，相觀恐未仁。君侯是同室，原不是鄉鄰。

鄉居多累至與夢湘經月不相見兩訪而並不答見其與潛之倡和新作

次韻謝之

忽忘爲別幾陰晴，乍見君詩亦自驚。束縛未知蠶熟日，飄零同是蠹餘生。相看祇覺饒鄉味，可愧方今論友聲。雅廢夷侵百無似，倘緣高詠聽和平。

饋夢湘鮒魚疊前韻

問網求魚向曉晴，傳呼高價市人驚。朋來合以吾爲主，海大真容著此生。遮莫樓臺多蜃氣，最難風雨有雞聲。烹鮮樂酒兼能詠，應使先生客感平。

王伯唐死難之期年夢湘爲哀祭之文而潛之及余携至狼山後鼓石旁誦之以爲祭茲余三人將復偕往求石刻斯文且暢遊焉此非一日所能盡也三疊前韻相戒約

登山須趁一江晴，時物催人且弗驚。怪石每從巖僻遇，好雲或向夜闌生。但當信宿旃檀下，歷遍宵晨鐘鼓聲。歛挹精魂對亡者，死生何往不齊平。

苦雨並聞雹傷麥四疊前韻示夢湘

去年恒雨亦恒晴，四野啼號夢已驚。正作麥秋仍有害，可憐萌庶欲無生。檐花慘落懸流影，隴樹愁兼飛雹聲。俯仰人天儘於邑，老儒何術論昇平。

寒家畜二猫蓋母子也並時乳子輒移其所生置他處而日來哺其母所

生者母坐視之以爲常數日矣感而成詩五疊前韻

孰謂猫知偎暖晴，朝來僕媪一時驚。陽春短短催相嬲，微命區區報所生。怪事流傳幾不信，至恩淪浹亦無聲。誰何異族能交乳，侈說當時馬北平。

莫春送別朱輯齋六疊前韻

容易征帆掛嫩晴，輕裝弗使鷺鷥驚。官閑豈與國憂繫，客久無如鄉味生。百歲歡言晚尊意，萬方春盡曉鐘聲。君言別後能相訪，安得經時王路平。

同潛之夢湘人狼山於遙祭伯唐處求石刻之遂約夢湘携具留宿用東

坡遊靈隱高峰塔韻

與子今弗反，薄治一宿裝。亦御輕寒衣，駕言山中涼。離塵甫尋尺，寂靜聞空香。乘高試覽望，何處爲君鄉。蜉蝣在人境，萬景不能長。窮途已釋阮，墮淚猶悲羊。詎知故人